

kalâtdlit okalugtualiait taigdliaitdlo nutaunerussut tigusivfigilârtardlugit

agdlagtok : Chr. Berthelsen

eskimût okalugtuatokait taigdliaitdlo kinguârîkûtât okalugtuarsiarissartagkatut pigiuarsimassait danskinit atuarnekarsí-naulersimáput kavdlunâtüngortínekar-tarsimagamik sôrdlo Knud Rasmussen-imit ukiumilo kingugdlerne âma Jens Ro-singimit, okalugtuatorkáme tamáko na-lerput tikiussavigdlugo kinguârîkûtâtigut kingornúnekartuartarsimáput.

kalâtdlitdle okalugtualiait taigdliait-dlo nutaunerussut taimâgdlât kakutigut tamauna kavdlunâttut sarkúmersínekar-tarsimáput, – kingugdlermik taimáitunik sarkúmersokarpok 1974-ime september-ime Århusime kalâtdlit erkumítsuliáinik takutitsinermut atatitdlugo atuagârá-nguak kussanavigsok nakitertínekar-simangmat, taivdlugo: taigdlat – grøn-landske digte.

mâne erkartornekartut tainekardlutik kalâtdlit okalugtualiait taigdliaitdlo nutaunerussut tássáuput avatânît súnîv-figinekarêrníkut pilersínekar-simassut. tugsiusiortarnek pisokaunerssarât. 1850-
ip erkânît autdlartilersutut okautigísí-naugunarparput taimanernît tugsiusior-tarne ajokersuiartortitat kavdlunât kisi-mik ingerdlataraluat kalâtdlit ajokit

palasitdlo malungnautekarfigiartuâler-mássuk.

tugsiusiortut ítortâta ajoxiunerup ilíniar-figssuarmilo ilíniartitsissup, *Rasmus Berthelsen* (1827–1901) ilisimanekauti-gineruvâ jûtdlisiusiane kivdlisimârnartok nuánarinekakissordlo „Gûterput kut-singnermio“ okausertai erinâlo kalâtdlit tarníkut píssuserissânut Kalâtdlit-nunâ-talo píngortitatut ersserneranut naler-kutdluartut. tugsiusiai amerdlanerit atu-arnekarsínáuput atautsimut katerssordlu-git nakitertísimassaine taivdlugit: *tug-siautit*, 1877. jûtdlisiusiai, uvdlársiusiai únugsiusiailo uvdlox mána tikitdlugo nuánarinekakaut. káumarsainíkut sulini-arnermine periarfigssat ássigíngitsut atortarsimavai, sôrdlo Atuagagdliutit 1961-ime nakiternekartalersut sujugdler-pauvdlune ârkigssuissûvfigisimavai.

Rasmus Berthelsen tugsiusiortoka-taisalo suliáinik nangitsissut nuimaner-ssarait palase *Henrik Lund* (1875–1948) ilíniarfigssuarmilo ilíniartitsissok organist *Jonathan Petersen* (1881–1961). inuit táuko mardlútaoq taigdlior-nermik uvdluínarpalungnerussumik tú-ngavilissûput. ukiumut 2000-inut ikârsâ-

lernerup nalá Kalâtdlit-nunâne avdlángu-
lerfiuvok sujunigssamik kaumanerussu-
mik isumavdluarfiussox. taimane inuiáu-
ssutsíkut ekílernek avatânitdlo pissunut
angmanerulernek taigdlíorusulersitsivok.
Henrik Lundip Jonathan Petersenivdlo
nunagissak pivdlugo taigdlíait taigdlat-
dlo avdlat inugpalugtut – ilâtigut upa-
ruartûsserpalugtûssartut – inuiagtut mi-
sigisimaleriartornermut taimane autdlar-
terkaussumut ineriartortitsissûput. taig-
dlat ilait inuiáussutsime pigerígkat sumi-
gíarnekarinigssânik inerterissûssarput,
ilaitdlo avatânit pissut ilíniarfiginigssâ-
nik kajumigsârisssûssarput.

Henrik Lundip taigdlíamine píngor-
titat táukualo alutornássusiat kussanar-
dluínartumik okalugtuarissarpai, ingang-
mik Kalâtdlit-nunâta kujatâ íssaisangne-
russok. píngortitsissup suliarssue kanilâr-
palugtumik tupigusûtigissarpai. nunar-
ssuarne kussanássusex inûnerup áipâne
takujumâgagssamut kilanârtûtáinaune-
rarpâ. taima okartarpok tugsiusiamine
taigdlíaminilo píngortitalerssârtûssune.
inugtâ sangmissarissailo taigdlíaine er-
sserkígtarput. *Henrik Lund* tássauvok
palase tugsiusíortok, – politikere okáu-
ssissûssunik ilitersûtitalingnik issornar-
torsiuissunigdlûnit taigdlíortartok, – ilí-
niartitsissok atuartitsinermine versilior-
sínaunerninik atuivdluartok, – imilersag-
kanik kalípaissartok taimáitumigdló taig-
dlíaminik kalípagarpalârtitsissartok, –
inûvok nalimine pissunik tamanik alaper-
naitakartok. atautsíkut kanganisarpalâr-
tûvdlunilo moderniuvox. – kalâtdlit
inuiagtut erinarssûtât „nunarput utorkar-
ssuángoravit“ taigdlíarâ, – taigdlak nu-
nagissamik atarkíngnigdluínarnermik
okautigingnigtok nunavdló inuisa ineri-

tornerme malingnaunigssânik kajumig-
sârissox.

Jonathan Petersenip taigdlíamine
okautigissarpai nunagissamik asangning-
nek âma kalâtdlisut inûssaused piniartu-
tutdlo inûssutigssarsiornek sujuaissat inû-
ssausiánik túngavekartariakartitane.
taigdlíame ilait Danmarkimítitdlune ag-
dlagsimavai, – ukiox atausex Danmarki-
mîsimagame organistitutdlo soraerû-
mêrsimavdlune pitsaunerpâmik karak-
terekardlune (udmærkelserdlune), ukiut-
dlo ingerdlanerâne eríniarissartagai ikig-
tûngitsut kulárnángilax Danmarkimîner-
mine súnernekarsimaneranut erssiutau-
ssunut iláuput. taigdlíamine Danmarke
Kalâtdlit-nunâta átavigissâ píngitsôrsí-
náungitdluínagâlo – „kaumassumik er-
kússissok“ – túngavigissorujugssûvâ.
nunagissap kitornai ineriartortut kaju-
migsârpai nunagissap ineriartortínerane
pekatauniarkuvdlugit kavdlunâttutdlo ilí-
niarkuvdlugit taimailivdlutik kavdlunâ-
tut agdlautigissaussut pigssarsivigísínau-
níasangmatigik. saniatigut málârutigâ
inûssutigssarsíutitorkamik sokutigissaka-
runгнаeriartuínarnex.

atuagkiat sujugdlít mardluk Kalâtdlit-
nunâta sujunigssânik imakarput. tássau-
nerarnekar sínáuput atuagkat politikimik
imakartut. „singnagtugax“ sarkúmerpok
1914-ime. atuagkiortorâ *Mathias Storch*
(1883–1957). „ukiut 300-ngornerat“
sarkúmerpok 1931-ime atuagkiarinekar-
dlune *Augo Lynge*-mit (1899–1959).

Mathias Storch nunakarfêránguame
agdlíartorsimassok amigautekartumigdló
atuartitausimassok píkoríssutse túngavi-
galugo suliamik píngârtumik tigúmissa-
kalerpok sule inûsugdlune Avangnâne
viceprovstitut atorfinigtitaugame. inûvok

kissigissakarnane okausekartartok. atu-
agkiângua ajornartorsiutinik iluarsissa-
riakartunik ulivkârpok. ukiune 2000-inut
ikârialerfingne Kalâtdlit-nunâne issor-
nartorsiornekarsínaussut amerdlakaut.
okariartautsimigut torkaissumik periau-
sekartartutigut kalâlekatine kavdlunât-
dlûnît Kalâtdlit-nunâne taimane nuna-
siaussume atorfekartitaussut kajagssû-
nek ajorpai. naggatâtigut atuagkame
inugtaussok, Pavia, agdlautiginekarner-
migut atuagkiortumut erkainavigsok,
ukiumut 2105-imut alâkartitauvok sûtldo
tamarmik pitsaunerulersimanerânik ta-
kutînekardlune. ukiut 2105-ip tungânut
kanorme tauva ingerdlasimápat? taimâg-
dlât okautiginekarpok Gûtivngôk ta-
mána pisínago avkutâ takorkusimángikâ
ânîlârdlune nikatdlorkunago. – pingâr-
nerpaussok tássauvok káumarsagaunek.
tássa sákugssak.

seminâriame ilíniartitsissok folketingi-
milo ilaussortak *Augo Lynge*, inuk
nipaitsok ilâtigutdlo píssusia matorkar-
palugtûssok, atuagkiamine sapîserpalug-
tumik sujumut takordlûgkanik sarkúmiú-
ssakarpok. atuagkiak politikimut túnga-
ssunik imakartok pinerdlugtulerssârner-
mik „pujakusigauvok“. atuagkame atu-
artine ukiumut 2021-mut pisípai ukiutdlo
300-ngornerânik nagdliútorsiornerme
amtmandip okausîne ineriartornerup
kanok ingerdlasimanera erkartornekar-
pok. amtmandip okausísigut ersserpor-
taok Kalâtdlit-nunât Danmarkimut ilá-
ngutivigsimassok, atuagkiortuvdlo atuag-
kiamine sarkúmernerata kingornatigut
ukiut 22-t kângiútut tamána angumerâ.

Kalâtdlit-nunâne moderniussume
Augo Lyngep erkartugâne kalâtdlit
kavdlunâtdlo okausê ássigîgmik atorne-

karput, kalâtdlit kavdlunâtdlo ajúngit-
sumik sulekatigîgput, kîsalo aulisarne-
savautekarnerdlo inûssutigssarsiu-
tit pingârnerssarait. inûssutigssarsiu-
tit táuko mardluk sujulíne tainekartut tássáungit-
dlat ukio- mána – 1974-ime – inger-
dlavdluarnerpaussut. tássunga atatit-
dlugo erkaimassariakarpok Kalâtdlit-
nunât ukiup 1930-p erkâne ukiorpag-
ssuarne pissarnerminit íssaisangnerpau-
simangmat. sineríssap kigdlerpiânut ag-
dlât sârugdlingnik ulivkâvigpok, íkang-
nerssuarnilo nuname avdlamiut aulisag-
kanik kalôrkáiput. sôrme aulisarne-
Kalâtdlit-nunâne túngaviussumik inûssu-
tigssarsiu- tássáungit? *Augo Lyngep*
atuagkiamine taingmagit nordpole kar-
ssutdlugo tingmissartortarne-
Europap nâlagauvfê pekatigît, sermerssûp kigdli-
ngane akúnítarfik, ílisimatût navssâris-
sât sermerssuarmik augtitsisínaussok nâla-
gauvfingnigdlo ássigîngitsunik aulisarní-
kut isumakati-
gissutekarne-
k ímaka ila-
isa taimane
kungujússu-
tigalugit
kuiagînar-
taraluar-
pait. kisi-
âne uvagut
nalivtíne
ta-
máko tusar-
ngartau-
jungnaerí-
katagput. –
Augo Lyngep
atuagkiane
kalâtdlit
inû-
sugtortá-
ínut sulí-
súsíma-
ssaminut
pigi-
típâ, taig-
dli-
a-
isa iláita-
ok inû-
sugtunut
tú-
ngassûput.

Augo Lyngep isúmat atuagkiamine
sarkúmiússane M/S „Hans Hedtoft“-ip
umîarneratigut tokunine tikitdlugo ilu-
ngersûtigiuarpai.

taigdlia-
t erkartor-
nekar-
tugssat
tugdli-
us-
sut taig-
dlanut
agdlau-
tigissan-
utdlo
suju-
líne
erkartor-
nekar-
tunut –
inuiakati-
gîng-
nut
sangmi-
ssûssu-
nut –
nalerki-
utdlu-
tik
suliari-
nekar-
nermí-
kut
imariss-
amíku-
tdlo
aula-
janger-
simassu-
nut
atássu-
tekar-
titáu-

ngínerúput. tássaunerúput taigdlat misigíssutsimik okautigingnigtut, ássigíngisítárutekarnerussut ekáinerussutdlo kísalo kussanássusermik nuánersútitanigdlo erkartuinerussut. okalugtualiatut agdlautigissat perêrsunik agdlautigingningnerúput ilaitdlo eskimût inûssausiánik túngavekardlutik. tássaunerdlune piáralune piárinanilúnít „sujunigssalerivatdlârnermut“ igdlua-tungilíne?

taigdlíornerup nutâliortússup inugtarai ilíniartitsissok kingornalo radiofonime pissortaulersok *Frederik Nielsen* (1905–), atuagkiortok kalipagkanigdlo ássilialíortartok *Hans Lynge* (1906–) ajokiunerdló *Pavia Petersen* (1904–43). táuko pingasut atautsíkut 1927-me Nûngme semináriame inerput. ilíniartútítldlugit semináriame atuarnek nutângorsarnekarpok. kavdlunátut ilíniarne angnertunerulerpok, ilíniartutdlo danskit taigdlíortut sulíáinik pásítínekartalrput. kulárnángilak tamána inûsugtunut táukunúnga ekíngassunut kajumíssusekalersitsissunut ilausimassok.

Frederik Nielsen sule semináriame ilíniartútítldlunile taigdlíamigut ekíngassutígut inûnermigdló nuánarissakarnermik erssersitsissutígut ilisimanekalerêrpok. taigdlat akornutekarpalúngitsumik okautigingneriatârtarnerat nuánârpalgutâneratdlo avdlanútaok súniútarpok. taigdlat ilait tássáuput Kalâtdlit-nunâta píngortitatut kussanautainut asangningnrmik nalunaerutit: naussunut kussanartunut, tingmiarpalâmut nipilerssorpallungnertut tutsiúrtartumut kákatdlo íngínut „savitût inorssítldlugit“ inígssísima ssunut. ilakarpútaok ukiut ingerdlanerine ássigíngitsune píssusiussartunik ilíúsiussarsimassunigdlo erssersitsissunik âmalo

inûnermut túngassunik erkarsauterssútaussunik misigíssusekarpalugtunik ilungersorpalugtunigdlo. atuagkiatut agdlautigissat perêrsunik túngavekarput, – sôrdlo atuagkiax „Tûmarse“ ukiup 1800-p ingerdlanerane Kalâtdlit-nunâne nunakarfít ilâne ukiordlûnerane perdleartokarneranik túngavekartok.

Frederik Nielsen atuagkiaisa angnertunerssarât okalugtualiak „ilivse tássa nunagssarse“ ukiorpagssuit ingerdlaneráne písimassútitaussok imaralugo eskimût Canadamît Kalâtdlit-nunânut ingerdlaornerat sinerssordlutigdlo kujámut Nûp erkâ tikitdlugo. tamâne, Vesterbygdenime, nâmagtôrpaít kavdlunâtsiait. autdlarkautâne erkígsisimavdlutik inôkatigíngnerigaluat kingorna tássaulerpok sákortúmik akeraríngnek tamatumúnga patsisauvdlune arnak akussak kináussutsiminik – kalâliunerdlune kavdlunâtsiâjunerdlunilúnít – paitsivêrússi ssok. tamatuma agdlautiginera nalivtíne ajornartorsiutínut ersserkígsumik sangmitínekarpok.

Hans Lynge kavsinik issigingnârtitsíssutíliakarpok Kalâtdlit-nunâne Danmarkimilo kalâtdlit pekatigígfíáne issigingnârtitsíssutíginekartarsimassunik. issigingnârtitsíssutit imarissamíkut eskimût nalânít píssúnertik ássigíssutígât. eskimût inûnerat aulajangersimassumut pítu gsimassúngitsok nangminêrsússordlo, silarssuarmik pásingningnerat takordlûísinaunertakartok sapítsulíarissartagaitdlo okalugtuatorkane ilisimanekartut agsut nuánarissarisimavai. nalivta kalâlê sujuaissamingnit ilíniagagssakakaut.

Hans Lynge taigdlíaisa ilait písimassune aulajangersimassune atuagagssiau-

ssarput. táukunúnga ilauvok taigdlax kalâtdlit arnat 1948-me kinersisínauler-neránut kinigaúsínauleraneránutdlo túnga-
titdlugo agdlaussok. taigdlame arnat Europame Kalâtdlit-nunānilo pingâroute-
karsimassut taigorpai – Jean d'arcimît jûmûmut Mâliamut K'akortormiumut
sarkarmiortârsimassumut aulajaitdlune pîkorigdlunilo sulisimanine pivdlugo. ar-
nat angusimassât pivdlugo pivdluarku-
vai, kuíasârnerdlo nuánarissûgamiuk
perkusârfigilāngitsôrumasimángilai taig-
dlame imatungajak agdlagkame: lands-
râdip atautsimînerane igsiavît mângertut
nuluiarnartakissut arnanik ilaussortaka-
lerpat pausekakulanerulísaoak akornati-
gûme milugtitsissartugssáusangmata.

Pavia Petersenip inûnermine sivikit-
sume sarkúmersitarai issigingnârtitsissu-
tínguak nalimine ajornartorsiutaussunik
sangmissakartok okalugtualiardlo nuna-
karfît ilāne ukiune 2000-imut ikârialer-
fiussune píssusiussunik autdlâvekartok.
taigdliai alianáissutsimik misigíssutsinig-
dlo erssersitsissut iluagtitsinerúput. Ka-
lâtdlit-nunâta píngortitatut inuisalo su-
juaissanit kingornússatigut ilisarnautait
ersserkigsumik okautigai. kalipautinut
tagpingnera taigdliaine ukiup níkítarne-
rinik imakartune – ingangmik ukiarsiu-
tine – malungnartarpok.

ukiune kingugdlerne atuagkiaussartut ta-
mangajangmik itsak piniartut inûneránik
okalugtuartúput. kisiáne taigdlat ilaia
kalâtdline inuiakatiġngne nalivtíne ajor-
nartorsiutit sangmissarait, – tássa ta-
máko akerdliuneramik erssersitsinernik
tainekartartut.

inûnek kanga inûssautsimêrsok atuag-

kiane okalugtuarinekartok ingmine pí-
sanganartôrêrpok. atuagkat nakôkutigi-
nerpauvât táukunane atuarnekarsínau-
game kanga inûnerup ilamernga kinguâ-
rîngne puíornekartugssáungitsoġ; okaut-
sitigútaok pingâroutekarput okariartausi-
torkat taigûttdlo kavsepagssuit kingu-
mut atornekarkigkamik. agdlautigissat
ilaít igdluatungáinarniornerarnekar sínáu-
put itsak inûnerup ilâ „kaumassok“ kisi-
ngajât okalugtuarigamíko.

*Ole Brandt*ip (1918–) Ausiait erkāne
ilakutarîlerssârutâ Hans Egedep 1721-
me Kalâtdlit-nunānut pinera sujorkutit-
siardlugo kristumiússutsivdlo erkúnekar-
kârnerata nalāne píssimassútínekartok –
atuagkat pingasússut – nakitertínekar-
pok. – *Otto Sandgreenip* agdlautigissar-
tagaisigut ersserkigpok kalâtdlit inûssau-
sitokānik ingangmik Kalâtdlit-nunāne
inokarfingne isorpasigsune atûtumik so-
kutigissakarnera, – inokarfíme táuko
palasiuvfigissarsimagamigit.

Otto Rosing (1896–1965) kanganisa-
lerissarnermigut ingmíkôrpok. okalug-
tualiángordlugit agdlautigissartagai pí-
ssusiviusimassunut ugpernarsautitunga-
jak okautiginekar sínáuput najorkutag-
ssarsiorsimanek iluakutiginekarame.
Otto Rosingip agdlautigissaisa ilagât
Taseralik Nagssugtûmîtok kujatâmiut
avangnâmiutdlo nâperarfigissartagât
niuvekatigîgtardlutik áiparîlersugssatdlo
nâperkârfigissardlugo. – okalugtualiâ
avdla kristumiússutsip erkúnekar kârne-
rata nalāne píssusiussunik túngavekar-
pok. kísalo *Otto Rosingip* inuit Kalâtdlit-
nunāne pingâroutekartumik sulisimassut
ilaít atuagángordlugit okalugtuarai. âma
Tunumíngânêrsunik agdlautigissakar-
pok.

Villads Villadsen (1916–) atuagkiais ilagât taigdlángordlugo agdlagak „nalussûnerup târnerane“ 1965-ime sarkúmersok. ingmíkôrtuisa sujugdlerarât kavdlunâtsiait Kalâtdlit-nunânîtit nungutâta tokutaunera taimailivdlunilo nunap eskimûnit piginekalernera. – ingmíkôrtup áipâne okalugtuarinekarput Tunume akiniaivdlune tokutsissarnerit amílârnartut. kularnángilak *Villadsen* agdlautigissak Angmagssagdlop erkâne ajokiunerme nalânit isumagssarsiarismásagâ. okalugtuarissaisa ilagât angâkok Ádâridâ, nuliarninik tokutsissarsimassok tokutamilo ūmatânik nerissarsimassok. Ádâridâ táuna kuisíkame atekalerpok Kristian Poulseninik, Narssamekujatdlermilo Kap Farvelip erkânîtume erkísgisimavdlune inûvok 1930-kut kiterkúnerâne tokunine tikitdlugo. – atuagkap ingmíkôrtuisa pingajuáne ilakutarînguit pivdluardlutik inûssut sínganek patsisauvdlune nungutitaunerat agdlagdlua-gaussumik okalugtuarinekarput.

taigdlat ukiune kingugdlerne sarkúmersut akerdliunermik takutitsissûssut ilakarpununagissak pivdlogo erinarssûtinik, píngortitat avdlángorarnernânik ássigîngisîtârtumik okalugtuarîngnigtunik, uvdluínarne píssutsinik erssersitsissunik, inûnek pivdlogo erkarsauterssûtinik avdlanigdlo taigdliortuisa kamûna misigíssusûnik erssersitsissunik. taigdliaingnik sarkúmiússissut tássauernerúput inûsukât. – *Moses Olsen* *Kristian Olsen*ivdlo Danmarkime ilíniarnermik nalâne taigdlia risimassait nunamik inúngorfingmik takorusuissut ilâtigutdlo uvdlyvtíne Kalâtdlit-nunâne ajornartorsiutinik imakartut ingmíkut tainekarsínáuput.

Kalâtdlit-nunâne ineriartornek ajornartorsiutitdlo pivdlugit isúmanik taigdlatigut okautigingningniartut ukiune mákunane taissagssailekíngekaut. taimailiorput kavsît. *Amandus Petrusen*ip „kiúngôrtup ivngerutâ“ ne igdlut uvsîtsut kiagsarnerinutdlo akigssaiautit angner-tokissut málârutigai. – *Akigssiak Møller*ip taigdlia mine sangmivai kavdlunât okausîsa ilíniarnerat, arnat kavdlunânut sulissartunut kaningniartut, sungiusimassaugaluit kimangnekarnere sumiússutsimigdlo misigíssutsip ajornartorsiutiginekarnera. – *Arkaluk Lynge*p taigdlia mine erkartorpai danskit ingassagssuarmik Kalâtdlit-nunâne súniutekarnerat, imigagssap atornerdlugaunera náputipiluitdlo. taigdlia t sarkúmersínekartartut atausiákât tamákuníngátaok sangmissakarpunama taimáiput *Ole Korneliusen*ip taigdliai nakitertínekartut tainekardlutik „putok“, 1973.

taigdlat sujulíne tainekartut ilait sarkúmersínekarsimáput atuagkame *Jens Poulsen*ip ârkigssûtdluarsimassâne taivdlugo „agdlagarsiat“, 1970. ilángutakartut kavsît ôkâtârsimavât okalugtuârkiornek kronikisutdlo píssusekartunik agdlautigingningnek. agdlautigingnigtautsit táuko mána tikitdlugo Kalâtdlit-nunâne atornekartorssûsimángitsut „agdlagarsiat“ ne kavsît iluagtítumik periausekarfigisimavait.

inuiakatiîngne ajornartorsiutit sarkumínerussut okautiginiarnerâne mána tikitdlugo taigdlat sákugiumanekarnerusimagunarput. inuit tarníkut píssusîsa okalugtualiane itisilerniarnigssât sôrdlo angnertunerussumik sangminiarnekarsimángitsok. – okalugtualiane kalâtdlisûne píssutsit atuartugssanik narrutsagtitsísí-

naussut ilángúnekarajúngitdlat. sôrdlo angutip arnavdlo inôkatigîngneránut túngavdluínartut tamaisa ulêrdlugit agdlautiginekartarsimángitdlat. okalugtualiak „Nutarak“ 1971-ime sarkúmersok kisime tamatumûnákut avdlaugatdlarpok. atuagkiortûtínekarpok Hans Hendrik (ativigíngisâ), okalugtuarinekar-pordlo kalâlek Danmarkime ilíniartitsissugssatut atuartok táussumalo arnanik inûsugtunik mardlungnik inôkatekarnera issertuángitsox. agdlautiginera ûmassusekarpok ilumôrsârpalugtûnanilo, okautsit okariartautsitdlo uvdlumíkut tusarssau-nerussut atornekarpot.

atuagkiat kalâtdlisût sule amerdlángit-súngûssut suna tamât tikitdlugo isuma-siorniarssarinigssât mianerssorfigilârtariakarunarpok. atautsimut issigalugit okarsínauvugut atuagkiortut ukiut ingerdlaneráne inuiakati-gîngne ajornartorsiu-taussartunik alapernaisersûsimassut itisilerissorssúngíkaluartumik inuiakati-gîngne ukiut ingerdlaneráne avdlángo-riartorsimanek atuagkiáne maligtarine-karsínauvdlune. pasínarsínauvok atuagkiat kavsiáluit isúmat pilersínekartarne-ráne ilâtigut súnêkatausimásassut. — ilimanarpok ukiune aggersune tamatuma ersserkingnerulerumârnigssâ.



Emil Rosing, Godthåb.

Fot.: Ole Jørgensen.